



ОБСУЖДЕНЫ  
ВОПРОСЫ  
РЕАЛИЗАЦИИ  
ПРОЕКТА  
«ЦИФРОВАЯ  
ИНКЛЮЗИЯ В  
УЗБЕКИСТАНЕ»

5-бет.



AMAZON  
КОМПАНИЯСИ  
ЙЎЛДОШЛИ  
ИНТЕРНЕТНИ  
ЙЎЛГА ҚЎЯДИ

6-бет.



ЖССТ:  
РЎЗАНИ  
ХУРМО БИЛАН  
ОЧИШ ФЙДАЛИ

8-бет.



ict.xabar.uz

Gazeta 1992-yil martdan chiqqa boshlagan

# Xabar

ERUR SEN SHO'H, AGAR OGOHSEN SEN,  
AGAR OGOHSEN SEN, SHOHSEN SEN.

14 (1540)-son  
8-aprel  
2022

@xabaruzofficial  
@xabaruzofficial  
facebook.com/xabar.uz/

O'ZBEKISTON RESPUBLIKASI AXBOROT TEXNOLOGIYALARI VA KOMMUNIKATSIYALARINI RIVOJLANTIRISH VAZIRLIGI NASHRI

www.xabar.uz

## БИТИРУВЧИЛАР БАНДЛИГИ ТАЪМИНЛАНАДИ

Муҳаммад ал-Хоразмий номидаги Тошкент ахборот технологиялари университети Самарқанд филиалида битирувчи талабаларнинг бандлигини таъминлашга қаратилган "Меҳнат ярмаркаси-2022" тадбири ўтказилди.

Тадбирда Самарқанд вилоятида филият қўрсатаётган 30га яқин АКТ соҳаси корхоналари ўзларининг бўш иш ўринлари билан қатнашди.


– Ушбу тадбир республикада кескин рақобатчилик ва иқтисодий глобаллашув шароитида олий таълим тизимида тайёрланаётган кадрларнинг сифати, уларнинг салоҳиятини ошириш каби масалаларни ҳал қилишда ҳам муҳим аҳамият касб этади, – дейди "Ўзбектелеком" АК Самарқанд филиали директори Тўлқинжон Султонов. – Бизнинг корхонамизга ишга келаётган ёшлар, албатта, пухта билимга эга бўлмоғи керак. Шу жиҳатдан бугун 15-20 нафар талабани уч ойлик синов муддати билан ишга қабул қилиб, кейинчалик улардан энг лаёқатлиларини саралаб оламиз.



## UZNETDAГИ САЙТЛАРНИНГ АСОСИЙ ЙЎНАЛИШЛАРИ

(Сайтлар сони ва улуши,  
2022 йил апрел)

1. Тадбиркорлик – 3 350 (29,6 фоиз)
2. Кўнгилочар мавзулар – 1 735 (15,3 фоиз)
3. Таълим – 1 469 (13,0 фоиз)
4. Янгиликлар ва ОАВ – 892 (7,9 фоиз)
5. ИТ-саноат – 699 (6,2 фоиз)
6. Уй-жой – 693 (6,1 фоиз)
7. Давлат органлари – 583 (5,2 фоиз)



Манба: www.uz

## ЎЗБЕКИСТОННИНГ ВРО ИМКОНИАТЛАРИ КЕНГАЙМОҚДА

2025 йилда дастурий махсулотлар экспорти  
ҳажми 500 млн. АҚШ доллариға етказилади



Ўзбекистон Республикаси ахборот технологиялари ва коммуникацияларини ривожлантириш вазирлиги, БМТ Тараққиёт дастури ва Жаҳон Банки билан ҳамкорликда "Ўзбекистонда инклюзив рақамлаштириш ва бизнес жараёнларида аутсорсинг (ВРО)" мавзусида халқаро давра суҳбати бўлиб ўтди.

Тўйга тўёна

## UNICON.UZга АККРЕДИТАЦИЯ ГУВОҲНОМАЛАРИ ТОПШИРИЛДИ

Ахборот технологиялари ва коммуникацияларини ривожлантириш вазирлиги тизимидаги "UNICON.UZ – фан-техника ва маркетинг тадқиқотлари маркази" давлат унитар корхонаси ташкил этилганлигининг 30 йиллигини кенг нишонлаш арафасида турибди.

Шундай шуқуҳли кунларда Ўзбекистон Республикасининг мувофиқликни баҳолаш органларини аккредитациядан ўтказиш бўйича ягона ваколатли органи – "Ўзбекистон аккредитация маркази" ДУК директори Ансабхон Закиров томонидан UNICON.UZнинг Телекоммуникация техник воситаларини сертификатлаштириш идораси ҳамда Телекоммуникация техник воситаларини сертификатлаштириш синов марказига



(тузилмада бешта синов лабораториялари мавжуд) ISO/IEC 17011 халқаро стандартларга, шунингдек, Аккредитация бўйича Осиё-Тинч океани ҳамкорлиги (APAC), Лабораториялар аккредитацияси

бўйича халқаро ташкилот (ILAC) ва Аккредитация бўйича халқаро форум (IAF) каби халқаро ташкилотларига аъзо бўлиш бўйича янги аккредитация гувоҳномалари тақдим этилди.

7



Жумадан  
жумагача

Ўзбекистон Республикаси Президенти Шавкат Мирзиёев раислигида 31 март куни макроиктисодий барқарорликни таъминлаш, бизнесни қўшимча қўллаб-қувватлаш масалалари юзасидан видеоселектор йиғилиши ўтказилди.

Президент Шавкат Мирзиёев 1 апрел куни ёшлар ўртасида оммавий спортни ривожлантириш чора-тадбирлари бўйича йиғилиш ўтказди. Унда Спортни ривожлантириш вазирлигига маҳаллалардаги ёшлар етакчилари билан бирга йил давомида 6 миллион нафар ўғил-қизни оммавий спорт тадбирларига қамраб олиш вазифаси қўйилди. Маҳаллаларда спорт инфратузилмасини яхшилаш, лойиҳалар қийматини мақбуллаштириб, майдончалар ташкил этиш бўйича кўрсатмалар берилди.

Ўзбекистон Республикаси Президенти Шавкат Мирзиёев 1 апрел куни Озарбайжон Республикаси Миллий Мажлиси раиси Соҳиба Гафаровани қабул қилди. Учрашувда умумий тарихий илдишлар, ягона дин, муштарак тил, маданият, анъана ва қадриятлар мамлакатларимиз стратегик шериклигининг асоси бўлиб хизмат қилаётгани қайд этилди.

Ўзбекистон Республикаси Президенти Шавкат Мирзиёев 5 апрел куни Қозғоғистон Республикаси Президенти Қасим-Жомарт Тоқаев билан телефон орқали мулоқот қилди. Мулоқот давомида Олий даражада эришилган келишувларни амалга ошириш масалалари кўриб чиқилди. Ўзаро савдон кўпайтириш, саноат кооперацияси бўйича қўшма лойиҳаларни илгари суриш, маданий-гуманитар дастур доирасида фаол алмашинувларни давом эттиришга алоҳида эътибор қаратилди.

5 апрел куни Ўзбекистон Республикаси Президенти Шавкат Мирзиёевнинг Покистон Ислоҳ Республикаси Бош вазири вазифасини бажарувчи Имрон Хон билан телефон орқали мулоқоти бўлиб ўтди. Унда жорий йил 3-4 март кунлари Покистонга амалга оширилган олий даражадаги давлат ташрифи якунида қабул қилинган қўшма "йўл харитаси" ижросининг бориши кўриб чиқилди. Минтақавий ҳамкорлик масалалари юзасидан ҳам фикр алмашилди.

Президент Шавкат Мирзиёев раислигида 5 апрел куни халқ таълими соҳасида амалга оширилаётган ислоҳотлар натижадорлигининг таҳлили юзасидан видеоселектор йиғилиши ўтказилди. Унда ёшлар тарбиясига алоҳида эътибор қаратилди. Мақтабларда маънавий мухитни тубдан яхшилаш бўйича янги концепция ишлаб чиқиш вазифаси қўйилди.

Биз – бир оила, биз – бир жамоа!

## ИНСОН ҚАДРИ, ҲАМЖИҲАТЛИК АНЪАНАЛАРИГА СОДИҚЛИК

АКТ вазирлиги томонидан ташкил этилган Наврўз сайли катта байрамга айланди



“НАВРЎЗ – ЯНГИЛАНИШ, МЕҲР-ОҚИБАТ ВА ҚАДР-ҚИММАТ АЙЁМИ!”. УШБУ ШИОР ОСТИДА ТОШКЕНТ АХБОРОТ ТЕХНОЛОГИЯЛАРИ УНИВЕРСИТЕТИДА НАВРЎЗ САЙЛИ ТАШКИЛ ЭТИЛДИ.



Сайлда Ахборот технологиялари ва коммуникацияларини ривожлантириш вазирлиги, шунингдек, вазирлик тизимидаги ташкилот ва корхона вакиллари бир ерда жам бўлиб, бирдамлик, ҳамжиҳатлик анъаналарига содиқликни яна бир бор намоён этишди.

Тантанали маросимни АКТ вазири Шерзод Шермаатов очди ва меҳнат фахрийлари, фидойи устозлар, талаба ҳамда соҳа ходимлари, меҳмонларни Наврўз айёми билан табриклади. “Биз – бир оила, биз – бир жамоа!” ғояси остида амалга оширилаётган ишлар бардавом бўлишини, Давлатимиз раҳбари томонидан соҳа олдига қўйилган вазифалар ижросини ёруғ юз билан таъминлашда барчага куч-қувват, омад тилади.

Эътиборлиси, тантанага сабаб бўлган ушбу Наврўз сайли бир нечта хайрли амалларга ҳам туртки бўлди. Вазирлик томо-

нидан “Инсон қадр” лойиҳаси доирасида ТАТУдаги имконияти чекланган талабалар билан учрашув ўтказилди ва уларга эсдалик совғалари топширилди.

Наврўз “Xabar” газетаси таҳририяти учун қўшалок байрам. Газетанинг илк сони 1992 йилнинг 21 март куни нашрдан чиққан. Шу сабабли ҳам ушбу шодиёнада таҳририят ташкил этилганининг 30 йиллиги муносабати билан ижодий жамоа фаолияти эътироф этилди.

Ташкил этилган сайлда АКТ вазирлиги тизимидаги ташкилот ва корхоналар томонидан бўш иш ўринлари ярмаркаси ҳам ташкил этилган бўлиб, унда технологияга қизиқувчи ёшлар соҳада мавжуд вакант ўринлар юзасидан тегишли маълумотларга эга бўлдилар ва маъқул келган йўналиш бўйича ариза топширдилар.

ТАТУ худудининг асосий қисми

турли вилоятлар кесимида ажратилган бўлиб, унда тегишли ташкилотлар айнан маълум бир вилоят урф-одат, қадриятларини намоён этишди.

Фолклор жамоаларининг чиқиши, халқ ўйинлари, жумладан, дорбозлик, полвонлар томошаси, спорт мусобақаларининг ташкил этилиши байрамга ўзгача шукух бағишлади. Спорт мусобақалари ғолиблари турли номинацияларда тақдирланди.

Тадбир давомида йиғилганлар учун катта дастурхон ёзилиб, байрам кайфияти карнай-сурнай навалари, сахна кўринишлари ва санъаткорлар чиқишига уланди. Меҳнат фахрийларига алоҳида иззат-икром кўрсатилиб, совғалар улашилди.

Кўргазмали чиқишлари билан иштирок этган жамоалар турли номинация бўйича сертификат билан тақдирландилар.

# ЎЗБЕКИСТОННИНГ ВРО ИМКОНИАТЛАРИ КЕНГАЙМОҚДА



2025 йилда дастурий маҳсулотлар экспорти ҳажми 500 млн. АҚШ доллариға етказилади

Тадбирда Ахборот технологиялари ва коммуникацияларини ривожлантириш вазири Шерзод Шерматов, БМТ Тараққиёт дастурининг Ўзбекистондаги доимий вакили Матилда Димовска, Жаҳон Банкнинг Ўзбекистондаги доимий вакили Марко Мантованелли, шунингдек, мамлакатимиз мутахассислари ва халқаро экспертлар иштирок этиб, рақамли ривожланишнинг бугунги ҳолати ва истиқболлари, баҳолаш усуллари ҳамда Ўзбекистонни рақамли ривожлантириш бўйича келгусидаги вазифалар ҳақида сўз юритдилар.

Таъкидлаш керакки, мамлакатимизда рақамли иш ўринларини яратиш, шу жумладан, ёшларнинг салоҳиятини ошириш бўйича ИТ ва бизнес жараёнлари аутсорсинги (ВРО), шунингдек, билим жараёнлари аутсорсинги (КРО) хизматларини кенгайтириш бўйича изчил ишлар олиб борилмоқда. Ўзбекистон ҳукумати ИТ-аутсорсинг салоҳиятини ёрқин намоён этган ҳолда, аҳоли, айниқса, ёшларнинг рақамли кўникмаларини ошириш учун барча вилоят ва туманларда ВРОга ихтисослаштирилган таълим муассасаларини ташкил этиб, ушбу имкониятларни кенгайтирмоқда.

Тадбир давомида Ўзбекистонда ВРО хизматларини ривожлантириш бўйича кўрилаётган чора-тадбирлар, жумладан, бу жа-



раёнларга ёшларни кенг жалб этиш, аутсорсингга ихтисослашган компаниялар таърибаси ҳақида маълумотлар берилди.

Маълумки, давлат хизматларини барчага тезкор, самарали ва адолатли кўрсатиш учун электрон ҳукуматни ривожлантиришни қўллаб-қувватлаш, жамоатчилик ишончи ва шаффофлигини мустаҳкамлаш, рақамли иқтисодиётни ривожланиш жараёнида иштирок этиш ва ҳамкорлик қилиш муҳим аҳамиятга эга. Ахборот-коммуникация технологиялари доимо ривожланиб, жамият, маданият ва иқтисодиётни тубдан ўзгартирмоқда. “Дунё рақамли экотизимда технологиянинг жадал ривожланишига гувоҳ бўлмоқда, бунга ижтимоий тармоқлар, блокчейн, сунъий

интеллект, бизнес жараёнлари аутсорсинги (ВРО) ва билим жараёнлари аутсорсинги (КРО) мисол бўла олади”, – деди АКТ вазири Шерзод Шерматов тадбирда.

Рақамли ривожланишнинг Ўзбекистон иқтисодий ўсиши учун муҳим аҳамиятини эътироф этган ҳолда, Ҳукумат рақамли трансформацияни ўзининг биринчи стратегик кун тартибига қўймоқда: “Рақамли Ўзбекистон-2030” стратегиясини қабул қилиш ва 2022-2026 йилларда Янги Ўзбекистонни ривожлантириш стратегиясида рақамлаштиришга эътибор қаратиш – шулар жумласидандир.


Ҳозирги кунда ташкил қилинган ВРО марказ таърибаси асосида республиканинг барча ҳудудларида ҳам аутсорсинг (ВРО) марказларини ташкил қилиш мақсад қилиб

олинган ва жорий йилнинг биринчи чораги давомида республиканинг яна тўрт ҳудудда шу каби марказлар ташкил қилинди. Келгуси икки йил давомида ҳудудларда юздан ортиқ ВРО марказлари очилиб, беш миндан ортиқ юқори маошли ишчи ўринлари яратилади. Натижада 400 минг АҚШ доллари миқдорида ИТ-хизматларни экспорт қилиш имконияти яратилади.

Шу билан бирга, 2022-2023 йиллар давомида барча ҳудудларда ИТ-Парк филиаллари ташкил этилади. “Амалга оширилаётган комплекс чоралар дастурий маҳсулотлар экспорти ҳажмини 10 баробарга ошириб, 2025 йилда 500 млн. АҚШ доллариға етказиш учун мустаҳкам замин яратилади”, – дея қўшимча қилди АКТ вазири.

## Учинчи ташаббус

# ЎҚИТУВЧИЛАР ДАСТУРЛАШ БЎЙИЧА МАЛАКА ОШИРИШДИ



“Andijan digital city” технопаркиннинг ИТ-академиясида Андижон вилояти шаҳар ва туманлари умумтаълим мактабларидаги “Digital School” марказлари ва олийгоҳлардаги Инкубация марказлари ўқитувчилари учун веб дастурлаш бўйича бир ойлик малака ошириш курслари ташкил этилди.

“Рақамли Ўзбекистон-2030” стратегияси доирасида вилоят миқёсида замонавий ахборот технологияларини кенг жорий этиш, ИТ-таълимни

ривожлантириш, ахборот технологиялари соҳасида ёшларни касбга тайёрлаш ва йўналтириш тизимини амалга оширишни кўзда tutuvchi ушбу ўқув курсларида тингловчиларга энг замонавий ИТ дастурлар, хусусан, “Foundation” (HTML, CSS, Python) ўқув дастурини ўрганиш ва улардан фойдаланиш имкониятлари яратилди.

Лойиҳанинг асосий мақсади тингловчиларни ахборот технологиялари бўйича билим ва малакала-

рини ошириш, олган билимларини ўзининг иш жойида татбиқ қилиш орқали ёшларни замонавий касбларга ўргатиш ҳисобланади. Ушбу амалиёт келгусида вилоят марказига етиб кела олмайдиган ўқувчи ва талабаларни дастурлашнинг бошланғич билимларини ўзлаштиришида қўл келади.

Малака ошириш курслари якунида тингловчилар дастур орқали яратган кичик лойиҳалари тақдиротини ўтказдилар ва уларга ИТ сертификатлар тақдим этилди.

## Меҳнат ярмаркаси

# БИТИРУВЧИЛАР БАНДЛИГИ ТАЪМИНЛАНАДИ



Шунингдек, тадбирда “Ўзбекистон почтаси” АЖ Самарқанд филиали, вилоят Радиотелевизион узатиш маркази ва Электромагнит мослашув хизмати, “Ўзбектелеком” АКнинг “ЎзМобайл” филиали вилоят ҳудудий боғламаси ҳамда Телекоммуникация транспорт тармоғи 4-боғламаси каби соҳа корхоналари ҳам ўз кўргазмалари билан иштирок этди.

Меҳнат ярмаркаси ТАТУ Самарқанд филиали ва Самарқанд Ахборот технологиялари техникумида таълим олаётган кейинги босқич талабаларида ҳам катта таассурот қолдирди.

Абдуғафур ҲОТАМОВ,  
“Xabar”нинг Самарқанд вилоятидаги мухбири



## ЁШЛАРГА ЭЪТИБОР – КЕЛАЖАККА ЭЪТИБОР

Ўзбекистоннинг жадал ривожланиши, кенг қамровли ислохотлар истиқболи ва халқ фаровонлиги ёшлар таълим-тарбияси ва келажакка бериладиган эътибор даражасига чамбарчас боғлиқ. Шу маънода, мамлакатимизда ёшлар масаласи давлат сиёсатининг энг устувор йўналишларидан бири ҳисобланади.

2022 йил 28 январда Ўзбекистон Республикаси Президенти Ш.Мирзиёев “2022–2026 йилларга мўлжалланган Янги Ўзбекистоннинг тараққиёт стратегияси тўғрисида”ги фармонни имзолади. Тараққиёт стратегияси ва уни 2022 йилда амалга ошириш бўйича “йўл харитаси”да мамлакатимизни ривожлантиришнинг 7та устувор йўналиши доирасида қарийб 100та мақсадларга эришиш назарда тутилган.

Бугунга қадар мамлакатимизда ёшларнинг ҳуқуқ ва манфаатларини ҳимоя қилиш, уларга зарур шарт-шароитлар ва имкониятларни яратиб бериш борасида мустақам ҳуқуқий база яратилган ва бу тизим замон талабларига ҳамоҳанг равишда такомиллаштириб борилмоқда. Хусусан, бугунгача Олий Мажлис томонидан ёшларга оид 40дан зиёд қонун ҳужжатлари қабул қилинган бўлиб, 30дан ортиқ халқаро ҳуқуқий ҳужжатлар ратификация қилинган.

Ўз навбатида, Ўзбекистондаги барча ўзгаришларнинг негизи ҳисобланган таълим-тарбия тизимида ҳам туб ислохотлар олиб борилмоқда. Шу мақсадда мамлакатда Мактабгача таълим вазири-

ги ташкил этилди, мактаб таълим тизими тубдан ислох қилиниб, 11 йиллик умумий ўрта таълим қайта жорий этилди. Вилоятларда янги олий таълим муассасалари, илмий ва ижодий марказлар ташкил этилмоқда. Олий ўқув юртлигига қабул квоталари сезиларли даражада кенгайтирилди. Сиртки ва кечки олий таълим шакллари тикланди. Ҳозирги кунда республика бўйича 159та олий таълим муассасаси, шу жумладан, 30та университет, 45та институт, учта академия, 28та филиал, бир консерватория, 28та чет эл ОТМ филиаллари, 24 нодавлат олий таълим муассасалари фаолият кўрсатмоқда.

Ана шундай янги ташкил этилган ОТМлардан бири – Муҳаммад ал-Хоразмий номидаги Тошкент ахборот технологиялари университетининг Нурафшон филиалидир. Ўзбекистон Республикаси Вазирлар Маҳкамасининг 2021 йил 7 майдаги 288-қарорига мувофиқ очилган ушбу филиалда айни дамда биринчи босқичда 212 нафар талаба, магистратурада эса 11 талаба таҳсил олмоқда.

Нурафшон филиалида талабаларнинг ҳар томонлама чуқур билим олишлари, гоёвий соғлом

ва юксак маънавиятга эга бўлиб камол топишлари учун маънавий-маърифий ишлар самарали олиб бориляпти. Филиалдаги “Заковат” клуби билимдонлари жорий йилда Самарқанд шаҳрида ташкил этилган ТАТУ ва унинг филиаллари ўртасида ўтказилган “Заковат” интеллектуал ўйинида муносиб иштирок этишди. Талабаларнинг билимларни янада чуқур ўзлаштиришлари учун информатика, математика, физика, инглиз тили фан тўғрисидаги ҳамда талаба-қизлар учун “Ораста қизлар” тўғрисидаги фаолияти йўлга қўйилган. Шунингдек, филиал профессор-ўқитувчилари ва талабалари ўртасида “Директор кубоги” учун футбол, мини-футбол, шахмат-шашка, марафон югуриш, талаба қизлар ўртасида стол тенниси, волейбол мусобақалари ўтказиб келинмоқда.

Талабалардан 190 нафари “Бир миллион дастурчи” лойиҳасида муваффақиятли иштирок этиб, сертификатларни қўлга киритишди. Иқтидорли талабалар IT-Марафон ва gobcontest.uz кўрик танловларида фаол қатнашишмоқда. Full stack веб дастурчиси томонидан талабалар учун робототехника, киберхавфсизлик ва веб дастурлаш бўйича маҳорат дарслари машғулотлари режа-график асосида ташкил этилмоқда, жумладан, Бирлашган Араб Амирликларининг zip24 компанияси асосида, “Амазон”га ўз стартапини сотган биринчи ўзбекистонлик тадбиркор Музаф-

фар Қарабаев билан очик мулоқот ўтказилди.

Ёшлар ўртасида китобхонликни кенг тарғиб қилиш мақсадида Филиалда “Китобхон талаба” танлови ҳамда “Китоб – зиё манбаи” пиори остида китоблар ярмаркаси ва шоир, ёзувчилар билан давра суҳбатлари мунтазам ўтказилмоқда. Фаол, ташаббускор волонтер талабаларимиз кредит-модул таътили мобайнида ўрта умумтаълим мактаблари, касб-ҳунар мактаблари, лицей битирувчи ёшларини касбга йўналтириш мақсадида “Талаба – ёшларга” ижтимоий лойиҳасини амалга оширишди. Волонтерлар ёшларга ўзларининг “Бир миллион дастурчи” лойиҳасидаги муваффақиятлари, мамлакатимизда ёшларга яратилган кенг имкониятлар, IT мутахассислигининг аҳамияти, шунингдек, ТАТУ ва Нурафшон филиалида мавжуд таълим йўналишлари ҳақида маълумотлар беришди.

Нурафшон филиалида Хотин-қизлар маслаҳат кенгаши ташкил этилган бўлиб, талаба-қизларни ҳаётга муносиб тайёрлаб бериш, уларни пазандачилик ва тикувчилик каби ҳунарларга ўргатиш ҳамда керакли ҳуқуқий, тиббий, психологик маслаҳатлар бериш борасида қатор чора-тадбирларни амалга ошириб келишмоқда.

Ўзбекистон Халқаро Ислом академияси билан ҳамкорликда “Ўзбекистонда миллатлараро тотувлик ва диний бағрикенгликни таъминлаш” мавзусида, Тошкент вилояти Дин ишлари бўйича бошқарма бош мутахассиси (Қўмитанинг вилоят вакили) иштирокида “Жаҳолатга қарши маърифат”, “Дунёвий давлат ва маърифат”, вилоят ИИББ мутахассислари иштирокида “Жиноятга жазо муқаррар” мавзуларидаги маънавий-маърифий давра суҳбатлари, тренинглар ташкил этилмоқда.

Муҳтасар айтганда, ТАТУ Нурафшон филиалида ёшларга оид давлат сиёсати аниқ мақсадларни кўзлаб босқичма-босқич, комплекс чора-тадбирларга асосланган ҳолда изчил давом эттирилмоқда. Зеро, ислохотларнинг тақдирини, натижаси, биринчи навбатда, кадрлар савиясига, уларнинг давр ва тараққиёт талабларига нечоғли жавоб бера олишига боғлиқ.

Бобомурод БОБОЁРОВ,  
ТАТУ Нурафшон филиали  
директорининг ёшлар  
масалалари, маънавий-  
маърифий ишлар бўйича  
биринчи ўринбосари

### Сайёр қабул

## АКТ МУТАСАДДИЛАРИ “ЎРИКЗОР” МАҲАЛЛАСИДА

Ахборот технологиялари вазириликнинг Тошкент шаҳар ҳудудий бошқармаси, “Ўзкомназорат” Тошкент шаҳар ҳудудий инспекцияси ҳамда вазирилик тизимидаги корхона ва ташкилот раҳбарлари билан биргаликда Учтепа тумани “Ўрикзор” маҳалласида сайёр қабул ўтказилди.

Маҳалла ҳудуди мобил алоқа қамровини яхшилаш, сифатли интернет хизматларини жорий этиш, почта хизматлари, телекоммуникация инфратузилмасини ривожлантириш, фуқароларни қийнаётган муаммоларни ҳал этиш мақсадлари кўзланган сайёр қабулда аҳолидан асосан юқори тезликдаги интернет хизматларини жорий этиш, мобил алоқа хизматлар сифатини яхшилаш каби мурожаатлар келиб тушди.

Мурожаатларнинг аксарияти жойида ижобий ҳал этилди, керакли тушунтиришлар берилди ҳамда вақт талаб қиладиган мурожаатлар юзасидан АКТ вазирилик тизимига кирувчи корхона ва ташкилот раҳбарлари ҳамда мобил алоқа компанияларига тегишли топшириқлар берилди.

Шунингдек, жисмоний ва юридик шахсларнинг мурожаатларини қабул қилиш бўйича ташкил этилган Ишонч телефонлари “114” ва “1199” қисқа рақамларига кечаю кундуз мурожаат этишлари мумкинлиги тўғрисида маълумот бериб ўтилди.



## ОБСУЖДЕНЫ ВОПРОСЫ РЕАЛИЗАЦИИ ПРОЕКТА «ЦИФРОВАЯ ИНКЛЮЗИЯ В УЗБЕКИСТАНЕ»

Министр по развитию информационных технологий и коммуникаций Шерзод Шерматов провел встречу с представителями Всемирного банка.

В ходе встречи были обсуждены вопросы реализации масштабного проекта «Цифровая инклюзия в Узбекистане» с участием Всемирного банка. В рамках проекта предполагается реализация мер по развитию цифровой экономики, электронного правительства, цифровой инфраструктуры, IT-образования.

Отдельное внимание было уделено такому важному направлению, как развитие ВРО и КРО-услуг. Как было отмечено, повышение занятости молодежи за счет их широкого привлечения в сферу ИКТ и создания высококвалифицированных рабочих мест является одной из приоритетных задач в деятельности Министерства. С учетом этого, в рамках проекта «Цифровая инклюзия в Узбекистане» с участием Всемирного банка предусматривается создание и оснащение центров оказания дистанционных услуг (ВРО-центров).



**КАКИЕ НОВЫЕ ЛЬГОТЫ ДЛЯ ОТРАСЛИ IT ВСТУПИЛИ В СИЛУ НАЧИНАЯ С 1 АПРЕЛЯ**

С 1 апреля для отрасли информационных технологий начали действовать несколько новых льгот и преференций. Об этом пишет пресс-служба IT-Park.

Так, началась выдача анонсированных ранее специальных IT-виз. Они предоставляются по рекомендации IT-Park для специалистов и инвесторов в сфере IT, а также зарубежных учредителей компаний-резидентов технопарка.

Виза даёт право на свободный въезд в Узбекистан в течение 3 лет. Её обладатели имеют равный с гражданами доступ к социальным услугам, а также право на упрощённое получение вида на жительство.

Узнать подробности и подать заявку на IT Visa можно на специальном сайте, запущенном в марте. Адрес — [itvisa.uz](http://itvisa.uz).

Для резидентов IT-Park вводятся новые льготы — так, налог на дивиденды иностранных учредителей снижается с 10% до 5%. Также им разрешается выплачивать дивиденды и зарплаты зарубежным специалистам в иностранной валюте.

Кроме того, компаниям-резидентам не нужно получать подтверждение права приёма на работу иностранных специалистов. Для трудоустройства иностранец должен просто получить ПИНФЛ.

Отменяется требование наличия офисного помещения для резидентов IT-Park. Вместо этого они могут заключить договор на предоставление виртуального офиса, по цене от 300 000 сумов в месяц.

В услуги входит аренда юридического адреса, обработка корреспонденции, услуги колл-центра и т. д. Такие компании не будут отнесены в категорию налогоплательщиков с высоким уровнем налогового риска.

Для скорейшей адаптации IT-специалистов и членов их семей в Ташкенте IT-Park создал специальный путеводитель. В нём есть краткая информация о ключевых аспектах жизни в Ташкенте и о технопарке.

## ДЕТИ ЖИТЕЛЕЙ БОСТАНЛЫКСКОГО РАЙОНА СМОГУТ РЕАЛИЗОВАТЬ СЕБЯ В СФЕРЕ IT

В Бостанлыкском районе Ташкентской области открылась специализированная IT-школа №2.

В отличие от общеобразовательных школ, в специализированных IT-школах внедрена программа обучения с уклоном на математику, английский язык и информатику. Кроме того, в IT-школах преподаётся и мобильная робототехника.

С целью обеспечения школьников необходимыми комфортными условиями для обучения информационным технологиям, школа оснащена всей необходимой материально-технической базой и высокоскоростным интернетом. А высококвалифицированные преподаватели IT-Центров при IT-Park будут вести профессиональные кружки по программированию и робототехнике для школьников.

До конца учебного года запланировано открытие 85 специализированных IT-школ и доведение их общего количества в Узбекистане до 100 единиц.

## БОЛЕЕ 100 СТАРТАП-ПРОЕКТОВ БЫЛИ ПРЕДСТАВЛЕНЫ НА ВЫСТАВКЕ В ИНДИИ



23-25 марта члены делегации резидентов IT-Парка и специалисты Центра управления проектами электронного правительства приняли участие в ежегодной выставке INDIA SOFT (Индия).

В первый день выставки приняли участие 800 международных ИКТ компаний, в том числе ведущие организации Индии, представивших более 100 стартап-проектов, а также более 50 презентаций. В частности, состоялась презентация услуг в области технологии блокчейн, веб- и мобильных приложений, а также был проведен обмен результатами, достигнутыми в области разработки информационных систем.

Во второй день выставки, индийская сторона поделилась услугами и предложениями в области разработки программного обеспечения, финансовых IT-услуг, электронного оборота электронных подписей и документов, цифрового туризма, цифровой экономики, а также презентаций по вопросам государственных и общественных услуг.

## В УЗБЕКИСТАНЕ НА ПЕРЕКРЕСТКАХ БУДЕТ ВНЕДРЕНА ЦИФРОВАЯ СИСТЕМА УПРАВЛЕНИЯ


Принято Постановление Президента «О мерах по надежному обеспечению безопасности человека и резкому снижению смертности на автомобильных дорогах». Согласно Постановлению, с 1 декабря 2022 года будет введена система начисления штрафных баллов водителям за нарушение правил дорожного движения.

Данная система предусматривает: за каждое нарушение ПДД начисляются отдельные штрафные баллы в течение 12 месяцев; в случаях, когда начисленные штрафные баллы превышают установленную сумму, водитель лишается права управления транспортным средством на

определенный срок в установленном порядке; водителям, не совершившим нарушения ПДД в течение определенного периода, применяются меры стимулирования путем уменьшения начисленных впоследствии штрафных баллов.

До конца 2023 года цифровая система управления будет внедрена на всех перекрестках столицы, а также на крупных основных оживленных перекрестках города Нукуса и областных центров, до конца 2024 года – на всех перекрестках города Нукуса и областных центров.

С 5 апреля 2022 года при Службе безопасности дорожного движения Министерства внутренних дел будет



создан Республиканский фонд «Безопасная дорога и безопасность пешехода» без образования юридического лица.

С 1 июля 2022 года во всех районах (городах) республики будет действовать индекс «Безопасная дорога».



## AMAZON КОМПАНИЯСИ ЙЎЛДОШЛИ ИНТЕРНЕТНИ ЙЎЛГА ҚҲЯДИ

Amazon.com Inc. компанияси йўлдошли интернетни ривожлантириш лойиҳасига кўп миллиард долларли сармоя киритмоқда, деб хабар берди Financial Times.

Ушбу лойиҳа Илон Маскнинг Starlink лойиҳасига рақобатчи сифатида кўрилмоқда. Фазовий интернетни рўзга чиқариш учун Arianespace, United Launch Alliance (ULA) ҳамда Amazon асосчиси Жефф Безоснинг ўзига қарашли Blue Origin аэрокосмик компаниялари билан шартнома тузилди. Лойиҳа яқин беш йил давомида Ер қўйи орбитасига интернет-йўлдошларни олиб чиқиш учун жами 83 маротаба ракета-ташувчиларни учиритишни кўзда тутаяди.

Компания ўз йўлдошли юқори тезликдаги интернетни оддий фойдаланувчилар, тадбиркорлар ва давлат идоралари учун тақдим этмоқчи.

Рақобатчи Starlink лойиҳаси шу пайтгача 2 миндан ортиқ йўл-


дошларини фазога олиб чиқиб, интернет хизматлари кўрсатишни бошлаб юборган.

## ИЛОН МАСК — TWITTERНИНГ ЭНГ ЙИРИК АКЦИЯДОРИ

Tesla ва SpaceX компаниялари хўжайини Илон Маск Twitter ижтимоий тармоғи қимматбаҳо қоғозларининг 9,2 фоизини сотиб олди ва Bloomberg ёзишича, компаниянинг энг йирик акциядорига айланди.

Маскнинг харидидан сўнг Twitter қимматбаҳо қоғозлари 4 апрелдаги премаркетда 25 фоизга — 2018 йилдаги даражагача қимматлаб кетди. Ҳозир компаниянинг бир дона акцияси \$47,72 дан сотилмоқда.

## АПРЕЛДА 15га ЯҚИН СМАРТФОН ТАҚДИМ ЭТИЛАДИ



Gizmochina ёзишича, апрел ойида жуда кўплаб брендлар ўз янги смартфонларини тақдим этади.

Samsung ўз мухлисларини бир йўла икки қурилмаси — Galaxy M33 5G ва Galaxy M53 5G билан мамнун этмоқчи. Булар бир туркумнинг икки нарх тоифасидаги смартфонлари.

Realme ҳам иккита смартфонини тақдим этади — Realme GT2 Pro ҳамда Realme Narzo 50A Prime. Vivo нақ учта смартфонини — Vivo T1 Pro, Vivo X Note ҳамда илк буклама телефони Vivo X Foldни чиқариши кутиляпти.

Xiaomi бирваракайига Xiaomi 12X 12 Pro ва Poco F4, Redmi 10 Prime+ 5G ларни сотувга чиқаради.

2022 йилнинг апрел ойида, шунингдек, Oppo F21 Pro туркуми анониси ўтказилади, OnePlus арзон смартфонлари (OnePlus Nord 2T ва OnePlus Nord CE 2 Lite), iQOO Neo6, Moto Edge 30 ҳамда Infinix Hot 12, Hot 12i, Hot 12 Play тақдимотлари режалаштирилган.

## ДУНЁДАГИ ЭНГ ЙИРИК САЙЁҲЛИК ЭЛЕКТР КЕМАСИ ЙЎЛГА ЧИҚДИ

Электр моторли дунёдаги энг йирик сайёҳлик кемаси — “Янззи дарёсининг уч дараси-1” Хитой марказидаги Хубэй вилоятида биринчи рейсни амалга оширди.


Электр кема Янззи дарёси бўйлаб сайёҳларни сайр қилдиради. Кема ўз бортига бир йўла 1 300 нафаргача йўловчи олиши мумкин, бир қувватлинишда 100 километр масофани босиб ўтади.

Кема 7 500 киловатт-соатли аккумулятордан куч олади. Кемадаги

аккумуляторлар умумий сўғими — юзта электромобилниқига дейрил тенг. Батарея электромобиллар учун аккумуляторлар ишлаб чиқарувчи Contemporary Ampere Technology компанияси томонидан ишлаб чиқарилган.

Кема қурилиши 2020 йилнинг охирида бошланган эди.

## МОБИЛ ИЛОВА БРАЙЛ АЛИФБЕСИНИ ТАРЖИМА ҚИЛАДИ



Австралиялик дастурчи Аарон Стефенсон iOS-илова тақдим этди. Илова смартфон камераси ёрдамида Брайл алифбеси шрифтларини оддий матн кўринишига келтиради. Ҳозирча илова фақат инглиз тилида ишлайди, кейинчалик бошқа тилларни ҳам қўллашга ўтади.

Стефенсоннинг Braille Scanner иловаси қуйидаги функцияларга эга: смартфон камераси ёрдамида шрифтни автоматик сканерлаш, Брайл шрифтларини оддий матнга айланттириш, шрифтларни “гаптириш”, Брайл шрифти ҳамда таржима қилинган файлни жўнатиш, рамзларни тахрирлаш.

## Халқаро ҳаёт

### УКРАИНАДА 11 МИЛЛИОНДАН Ортиқ ОДАМ БОШПАНАСИДАН ЖУДО Бўлди



Украинада уруш туфайли 11 миллиондан ортиқ одам ўз уйини тарк этди, деб ҳисобот берди Халқаро миграция ташкилоти.

Ташкилот маълумотларига кўра, бошпанасидан жудо бўлган 7,1 миллиондан зиёд украиналик ўз мамлақати худудида, қарийб 4 миллион нафари эса бошқа давлатлар худудларига ўтиб, қочқинларга айланди.

Украина аҳолисининг ички кўчиши март ойи ўрталаридан, яъни мазкур йўсиндаги тадқиқот охириги маротаба ўтказилганидан буён 10 фоизга ўсган. Бошпанасини тарк этган оидаларнинг ярмидан кўпининг болалари ёки қариялари бор.

### РОССИЯ МДХ ЯГОНА ПЕНСИЯ МАКОНИ КЕЛИШУВИДАН ЧИҚАДИ

Россия 2023 йилнинг 1 январидан МДХ ягона пенсия макони келишувидан чиқади. РФ ҳукумати тегишли қонун лойиҳасини Давлат думасига киритди.

Россия Пенсия жамғармаси шу йўл билан 2023–2025 йилларда 18 млрд. рубл иқтисод қилмоқчи.

Хабарга кўра, Келишув эскирган, Россия МДХда пенсия таъминоти бўйича янги икки томонлама келишувлар тузоқчи. РФни эски Келишувда белгиланган пенсия тўлашнинг ҳудудий принциплари қаноатлантирмапти, таъкидланишича, мухожирларга пенсия тўлашда

Россия гарданига нотенг юк тушмоқда.

Хусусан, Россияга миграция ошиши натижасида Келишув шартларини бажариш харажатлари кўпайган: унга собиқ Иттифоқ даврида иш стажига эга бўлмаган ёки кам стажли ҳамда Россия иқтисодиёти равнақига ҳисса қўшмаган фуқаролар тушмоқда, дейилади хабарда.

Илгариги Келишув ўрнига Россия кўзда тутатган икки томонлама келишувлар “пенсиялар экспорти”ни кўзда тутаяди: пенсионер ишлаган ҳар бир давлат ўша давлатда олинган иш стажини учун пенсия тўлайди.

Хабарда таъкидланишича, иккинчи — янги вариант Россия манфаатларини яхшироқ ифодалайди...

### Буюк Британия ЕТТИТА АЭС ҚУРАДИ

Буюк Британия энергетика мустақиллигига эришиш учун 2050 йилга қадар олтига ёки еттита АЭС қуришни режалаштирган. Бу ҳақда мамлакатнинг тадбиркорлик фаолияти вазири Квази Квартенг The Telegraphга берган интервьюсида маълум қилди.

Келаётган пайшанба куни муҳокама қилинадиган энергетика хавфсизлиги стратегияси ҳукуматга 2030 йилгача иккита янги йирик АЭС қуришни қўллаб-қувватлаш мажбуриятини юклайди. Ҳукумат доираларидаги манбага кўра, шу ўн йиллик якунига бориб атом энергетикаси Британия энергетика тузилмасида кўринарли жойини эгаллайди.

Great British Nuclear лойиҳасини амалга ошириш юқори тезликдаги темир йўл қураётган HS2 Ltd каби давлат компаниясига топширилиши кутиляпти.

### ЕВРОПА МАМЛАКАТЛАРИ 100га ЯҚИН РУС ДИПЛОМАТИНИ ЧИҚАРИБ ЮБОРДИ

Бугун Европанинг қатор мамлакатлари Россиялик дипломатларни ўз худудидан чиқариб юборишини маълум қилди.

Италия — 30 нафар, Испания — 25, Дания — 15, Эстония — 14, Латвия — 13 нафар Россиялик дипломатни чиқариб юборди.

Латвия мамлакатдаги иккита рус консулхонасини, Эстония эса Нарвада жойлашган Россия бош консулхонасини ҳамда Тартудаги элчихона канцеляриясини ёпишини эълон қилди.

### ЛИВАН ДАВЛАТИ ВА МАРКАЗИЙ БАНКИ БАНКРОТ ДЕБ ЭЪЛОН ҚИЛИНДИ



Ливан бош вазири ўринбосари Саад ал-Шамний “Ал-Жадид” телеканалда Ливан давлати ва мамлакат Марказий банки банкрот бўлганини эълон қилди. Таъкидланишича, энди давлат ўз молиявий мажбуриятларини бажара олмаяпти.

“Бу инқироз аллақачон содир бўлган. Биз молиявий институтлар ўртасида зарарни қандай бўлиши ва фуқароларга етказилган зарарни қандай камайтириш ҳақида ўйлашимиз керак”, — деди у.

Ливан 2019 йилдан бери узоқ иқтисодий инқирозни бостан кечирмоқда. Ливан фунти ўз қийматининг 90 фоиздан ортигини йўқотди, аҳолининг 80 фоизи қашшоқлик чегарасидан паст даражада яшамоқда. Айниқса, Байрут портидаги портлаш мамлакат иқтисодиётига катта зарар етказди.

Ушбу портлаш оқибатида юзлаб кишилар ҳалок бўлган ва шаҳарнинг ярми вайронага айланганди.

# ШУ КАСБДАН ҚАДР ТОПДИМ

Азамат Джуманкулов 1961 йили Шахрисабз шаҳрида таваллуд топган. Алоқачилик унга ота касб.

Мақтабда Раъно Турсунова, Нина Валиева, Нарзулла Йўлдошев каби устозларидан аниқ фанларни кунт билан ўрганган қахрамонимиз 1979 йилда Тошкент электротехника алоқа институтига ўқишга кирди. 1984 йили институтнинг автомат электралоқа муҳандиси йўналишини муваффақиятли тамомлагач, Шахрисабз туман алоқа узелида электромонтёрликдан иш бошлади.

Иш фаолияти давомида Сағид Нигматуллин, Ғайбулла Хўжакулов, Юрий Бураков, Азим Эшматов, Тоштемир Ҳамраевлардан иш ўрганиб, тажрибасини оширган Азамат ака кейинчалик Шухрат Раҳматов, Нўмон Бобоев, Мурод Эргашев, Сайёра Арзиқулова, Зулфия Раҳматова, Абдусоат Ҳамидов, Олим Саломов каби ёшларга устозлик қилган.

Азамат аканинг қизгин иш фаолияти мамлакатимиз мустақилликка эришиб, алоқа соҳаси туб бурилишларга юз тутган йилларга тўғри келди. Туманда янги ишга туширилган технологик қурилмаларнинг фойдаланишга топширилишида фаол иштирок этди. Бу масъулиятли вазифаларни бекаму кўст бажаришда унга 1990 йили Беларусь пойтахти Минск шаҳрида, 1996 йили эса Москва шаҳрида Германиянинг “Алкател” ўқув марказида тўрт ойлик тажриба-ўқув машғулотларида, малака ошириш курсларида қатнашгани жуда асқотди. Фидокорона меҳнатлари, алоқа ва ахборотлаштириш соҳасини ривожлантиришдаги ҳиссаси учун бир неча бор вилоят ҳокимлигининг фахрий ёриқлари, соҳа корхоналари ташақкурномалари билан тақдирланган.

Айни дамда Азамат ака нафақада. Турмуш ўртоғи Сайёра Арзиқулова билан биргаликда уч нафар фарзандни вояга етказишди. Қизи Санобар ҳамшира, ўғли Анвар сулола касбини



давом эттиряпти – Шахрисабз телекоммуникациялар боғламаси фаол ходимларидан. Яна бир ўғли Азизжон эса мамлакатимиздаги хорижий таълим институтларининг бирида таҳсил олади.

– Бугунги ёшларга, айниқса, алоқа соҳасида меҳнат қилаётган издошларимизга жуда ҳавас қиламан, – дейди фахрий алоқачи Азамат Джуманкулов. – Соҳада рўй бераётган катта ўзгаришларни, ҳамкасбларим эришяётган ютуқларни доим кузатиб бораман. Бизнинг авлод замонавий алоқа соҳаси тамал тошини кўйганди, бугунги ёшлар эса энг сўнгги русумдаги алоқа воситалари билан тиллаша оляпти. Қолаверса, филиалимиз ҳамда боғламамиз раҳбариятидан, шогирдларимиздан миннатдоримиз биз фахрийлар. Доим улар эътиборидамиз. Байрамларда йўқлашади, эъзозлашади. Алоқачилик касбини танлаганимдан, шу касб орқали обрў-эътибор топганимдан фахрланаман.

Афтондил ИСМОИЛОВ,  
“Xabar”нинг Қашқадарё  
вилоятидаги мухбири

Тўйга тўёна



## UNICON.UZга АККРЕДИТАЦИЯ ГУВОҲНОМАЛАРИ ТОПШИРИЛДИ

Бу Ўзбекистон, хусусан, UNICON.UZнинг Телекоммуникация техник воситаларини сертификатлаштириш идораси ҳамда Телекоммуникация техник воситаларини сертификатлаштириш синов марказига Евроосиё иқтисодий иттифоқи давлатларига олиб кириляётган электротехник воситаларда сертификатлаштириш синов ишларини ўтказиш, ишлаб чиқарувчи хорижий компаниялар билан экспорт шартномаларини имзолашга кенг имкониятлар яратди.

Таъкидлаш жоизки, UNICON.UZ томонидан APAC, IAC ва IAF каби халқаро ташкилотларига аъзо бўлиш бўйича қатор ишлар амалга оширилди. Жумладан, халқаро даражада синов ўтказиш бўйича янги талаблар ва синов методлари ўрганилиб, ушбу йўналишлар бўйича меъёрий ҳужжатлар базаси такомиллаштирилди, янги зарур ўлчов синов воситалари (Климатическая камера: “Холод, Тепло, Влажность” модели ЕЕХТН2000U, Шумомер, анализатор спектра: звук, инфразвук, виброметр однокординатный модели АССИСТЕНТ СИУ VI) харид қилинди.

“UNICON.UZ” ДУКнинг Телекоммуникация техник воситаларини сертификатлаштириш идораси ҳамда Телекоммуникация техник воситаларини сертификатлаштириш синов маркази ахборот технологиялари ва коммуникациялари соҳасини ривожлантириш бўйича илмий асосланган сиёсатни амалга ошириш, телекоммуникация техник воситаларини сертификатлаштириш соҳасида меъёрий-ҳуқуқий базасини яратиш, стандартлаштириш, метрология, телекоммуникация тармоқларида ишлатиладиган асбоб-ускуналарни сертификатлаштириш, янги техника ва технологияларни жорий этишни қўллаб-қувватлаш мақсадида ўз фаолиятини амалга ошириб келмоқда.

Жавлон ЭЛЧИЕВ,  
“UNICON.UZ” ДУК бош менежери

## Ўзбекистон Республикаси ахборот технологиялари ва коммуникацияларини ривожлантириш вазирлиги маълум қилади

Ўзбекистон Республикасининг “Лицензиялаш, руҳсат бериш ва хабардор қилиш тартиб-таомиллари тўғрисида” Қонуни 33-моддасига асосан:

а) “SECURITY TECHNIKAL SERVICE” масъулияти чекланган жамиятининг (Тошкент шаҳри) маълумотлар узатиш тармоқларини лойиҳалаштириш, қуриш ва фойдаланиш бўйича фаолиятга 2020 йил 5 мартда берилган АА серия 0008049 рақамли;

“ROBITAI NAV” масъулияти чекланган жамиятининг (Тошкент шаҳри) маълумотлар узатиш тармоқларидан фойдаланиш ва хизматларини кўрсатиш бўйича фаолиятга 2019 йил 17 июлда берилган АА серия 0006954 рақамли;

“ZABAVA SERVIS” масъулияти чекланган жамиятининг (Тошкент

шаҳри) маълумотлар узатиш тармоқларидан фойдаланиш ва хизматларини кўрсатиш бўйича фаолиятга 2021 йил 4 январда берилган АА серия 0008173 рақамли лицензиялар аризаларига мувофиқ топширилган сана 2022 йил 16 мартдан бекор қилинди;

б) “KOINOT TELEKOM” масъулияти чекланган жамиятига бирлаштирилганлиги туфайли тадбиркорлик фаолияти тугатилган “FORTSTAR SERVICE” хусусий корхонасининг (Тошкент шаҳри) теледастурларни тарқатиш тармоқлари хизматларини кўрсатиш бўйича фаолиятга 2019 йил 28 январда берилган АА серия 0006676 рақамли лицензия 2022 йил 28 мартдан бекор қилинди;

в) лицензия берганлик учун навбатдаги йиллик давлат божини

тўламаганлиги муносабати билан: “OLIMJON TELECOM” масъулияти чекланган жамиятининг (Самарқанд вилояти) маҳаллий телекоммуникация тармоқларини қуриш бўйича фаолиятга 2019 йил 30 декабрда берилган АА серия 0007026 рақамли;

“MYPHONE” масъулияти чекланган жамиятининг (Тошкент шаҳри) маълумотлар узатиш тармоқларидан фойдаланиш ва хизматларини кўрсатиш бўйича фаолиятга 2020 йил 5 мартда берилган АА серия 0008043 рақамли лицензиялар 2022 йил 28 мартдан бекор қилинди;

г) лицензия берганлик учун давлат бож тўлови белгиланган муддатда амалга оширилмаганлиги муносабати билан:

“BRIG COMMUNICATION” ма-

съулияти чекланган жамиятининг (Тошкент шаҳри) кўчма радиотелефон (радиотелефон, транк) алоқа тармоқларидан фойдаланиш бўйича фаолиятга 2021 йил 10 декабрда берилган АА серия 0007306 рақамли;

“UMID GET-STUDY” хусусий корхонасининг (Сурхондарё вилояти) маҳаллий, шаҳарлараро ва халқаро телекоммуникация тармоқларини қуриш бўйича фаолиятга 2021 йил 10 декабрда берилган АА серия 0007307 рақамли;

“ALISAR TECH” масъулияти чекланган жамиятининг (Тошкент шаҳри) маълумотлар узатиш тармоқлари хизматларини кўрсатиш бўйича фаолиятга 2021 йил 10 декабрда берилган АА серия 0007309 рақамли лицензиялар 2021 йил 10 декабрдан бекор қилинди.

